


Kerbredd 2014



Intro

bei Sonne:

Aaa...wos hot des gereijent letzt Joahr im die Zeit,

bei Regen:

Aaa...wos reijent des heit, sou wie letzt Joahr im die Zeit.

pitsch nass woar em Kerbmädsche ehr schäi selbst gemoacht Monroe Kleid.

Un kaum dass mer sich verguckt is es schun wirrer soweit.

Ehr Leit, nehmt eich jetzt fer die Kerbredd zwodausendverzeih Zeit.

Glicklich sin mer vum Umzug hier ougekumme,

un häwwe des Joahr -ohne Diskussione- die altbewert Stregge genumme.

Dank dem "Kerb-Fan-Korv-Odenwaldring e.v.",

brauch des Joahr des Kerbheftsche-Beilage-Plänsche werklisch koa Sau.

(Hände fuchteln)

Beinoah hätt´s letzt Joahr en oannern Weg gegewwe - mer wollt wos Neies mache,
des fand sou manch oaner vun denne goar nit zum Lache.

Noch zähe Verhondlung kam donn der Beschluss *(Fingerzeig)*,

dass de Umzug halt doch de alte Wesch nemme muss.

Doch zerick zum Thema, bevor mer uns verquatsche,


jetzt kimmt die Kerbredd - ehr derft ach gern emol klatsche.

Un demit sich eiern Applaus aa werklisch lohnt,

werd jetzt unser desjährisch *Kerblied* vertont.

...Herr Kappelmeister...

Vorstellung Dreigestirn



Demit ehr aa wisst wou mer raus stamme un wessen Tochter orrer Sohne
veroadde mer jetzt erste mol all unser Nome.

Des mer do steihn, des hot sou kumme misse, ich geb eich de Beweis,
denn in unserne Familie sin se allmennoanner ROUT-WEISS!

Lars stellt Aileen vor:

Die Sunn geht uff, mer konnte nit vor ´rer fliehn,
vor eich steiht se - Henrich haaßt se hinne, vorne Aileen.

Ehrn Babba, de Ralf-Dieter => DIEDER weils em sou gud gefällt,
verdient mit soiner Elektrikfirma soi daier Geld.

Die Modder haaßt Anka un kimmt aus Richtung Offebach hinne raus, (fuchteln)
jetzt wohnt se in Zimmern, dodefer en korze Applaus.

Ehrn Opa, de Jakob, Gailsmetzjer vun Zimmern,
on den doun sich gewiss die Olde noch erinnern.

Ehr Cousine kennt sich in dem Metier aa bestens aus,
die Tanja woar ´90 als rot-weiß Kerbmädsche aa schon en Augenschmaus.

Un um ehr Kerbgeschichte erst rischdisch rund zu mache,
begrieße mer ehrn Ungel Kresse Reinhold, des Joahr unnerwegs in goldener Sache.

Aileen stellt Robin vor:

Un ich stell eich jetzt moin Munschenk vor,
de Robin Dietrich, der geht aus de Lippse Dynastie hervor.

Die Modder, Carmen, vielleicht frieher vun de Reider bekannt,
stammt eigentlich aus em platt-deutsche Land.

Soin Vadder, de Roland, aa e Rout-weiß-Pracht,
haaßt im Volksmund Ernie, weil er als sou schäi lacht.

Soi Oma is monchem vun eich sicher aa noch bekannt,
die Lippse Magga, die sellemols hinnerm Tresen im Knusperhaische stand. (deuten)

Soin Adonis-Körper schafft er bei de Athlete in die Reih,
un beim Immo-Blank scheffelt er soi Kohle herbei.

Robin stellt Lars vor:

Un um des Trio komplett zu mache,
verzähl ich eich jetzt vun unserm Kerbvadder e poar Sache.

Pullmann git's in Zimmern eigentlich in Masse,
in diesem Fall de Lars - un der is werklich klasse.

Als Buh wor´rer en Löschzweg, gewiss noch gonz kloa,
jetzt betreut er die Jugend, gonz wichtig fer unser Gemoa. (Fingerzeig)

Soi Modder haßt Sabine, gebohrene Roth,
sie woar zwar koa Kerbmädsche, äwwer die Fabb is Gebot.

De Christoph, soin Vadder - nadierlich Rout-weiß,
bekannt als Wehrführer vun de Feierwehr - also de Chef vun demm Kreis.

Un selbstverständlich git's aa e rout-weiß Kerbmädsche in dere Sippe,
soi Gode, die Yvonne, dutt aa do unne rim hippe.

- **Block „letzte Kerbborschte" RUSH HOUR im Nordring**

Weil mers vorhin schun vom Kerbmädsche ehrm Kladsche hatte,
doun ich glei emol mit erer Geschicht vun de Letztjährische starte.

Zur beste Kinnergoarde-Abhoulzeit,
die Muddis stande wartend uff ehr Scheppe bereit.

Rushhour im Nordring, sou kennt mer des nenne,
sollt mer uff de Gemoa eigentlich aa e bissje kenne

Plötzlich kimmt es Kärnsche vum Bauhof ims Eck,
un brengt de Kerbkranz zum Mädsche- damits aa jeder checkt (*Fingerzeig*)

Un wers bis Kerbsamsdoachs als noch nit kapiert,
für den hot se ehrn Nome middisch - grouß - uff´s Kerbschild platziert.

Mit e oannern Aktion, häwwe sich e poar Besucher aa nit mit Ruhm begosse,
die Polizei hot beihnoah es Kerblager hochgeih losse.

Un Kerbsunndoachs bringe se glei de nächste Hit,
nemme oafach nit ehr Kerblied zu de Kerbredd mit.

En Vadder rennt hordisch hoam, um de Tonträscher zu brenge,
wos e Glick werft de Bremer den vorher nochemol in die Ouloach enne.

Doch wos der do heiert, treibt em die Träne in die Aache,
des is doch es Trauerlied vun de Bobbe - goar koa Frage.

Drum eilt de Vadder nochemol noch Haus,
un sucht die rischtisch Musigg e raus.

„Just in time" kimmt er uff de Platz zerick,
un die Leit heiern es Kerblied - ach wos e Glick.

Noach de Redd häwwe se gefeiert, mim Parrer soim Segen,
wie schon erwähnt - im strömenden Regen.

Om nächste Mojend stellt de Parrer donn fest,
er hot on soine Fiss zwa unnerschiedliche Schuh - un wou is de Rest?!

Gleiche Gedenge, annerer Ort

frägt sich en Kerbborscht es selwe- „moin zwatte Schuh is fort!"

Om Frihschoppe treffe sich die Zwa, mache gor nit long rim,
(un) tausche korzer Hoand ehr Schuh wirrer im.

Auf ehr Grie-Weiße - macht aich nix draus,
nächst Joahr krieje mer vielleicht den „ironische Applaus".

Drum halt ich iwwer eich jetzt besser moin Mund,
trinkt emoal oan, un bleibt schäi gesund



E Lied losse mer jetzt weg, sunst kumm ich aus´m Gerick,
weil DES is DER passende Iwwergong zum nächste Stick!

- **Block „Kirche“**

Wos jetz kimmt is eijendwie lusdisch, hott äwwer aa en tiefere Sinn.
Es betrifft Jung un Olt, also eich all do unne, Ehr Gottes Kinn.

De katholische Parre is en gude Mann,
verschläft Sunndoachs die Kerch. Es is schunn a Schoann. (Irinosch)

Die Oane fanne´s lusdisch, manch Oannern woarn om schenne.
..On die Leit wou geschennt häwwe/houn, horscht e mol tiiiiief in eich noi...-
Wer sou veel schafft wie der, der derf aa emol soi Ärwet verpenne.

Es Oanzische, des macht die Sache bissje schlimm,
für jed´ Omache woar nur „sou e kloa“ Stickchelche Hostje drin.

Un demit die Dibojer aa Stoff fer ehr Bidderedde hatte,
dacht mer sich: „doun mer halt e Woch sou frieh uff die Wallfahrt starte.“

E gefunne Fresse fer die Fromme do driwwe.
Es war uns eine Ehre..also : Bitte!!! (leicht verbeugen un Handdeut noch „drüben“)

In dem Zusammehoang on die hohe Herrn in Määnz e poar ernste Worte:
Die katholisch Kerch breicht meih vun unserm Parre soine Sorte!

Endlich emol oaner der aa die Junge nit vergisst.
Un sou kloane Schote mache doch menschlich, es ist wie es ist.

Un weil mer vorhin koa Liedche hatte,
Kapell dout hordisch de *Kerbmarsch* starte!!!!

- **Block „betrunkene Mitbürger in Umstadt“**

Text von Gabi: Grau hinterlegtes Kerbvadder entschäiden lassen ob ers lesen will oder ob zu lang (wir finden es so besser - da sonst zu lang)

In Zimmern is ja die Kerb das Fest der Feste,
äwwer in Umstadt iss es Winzerfest es Beste.

Un en Moann vun Schlaggehaue wor do driwwer gewese,
un jetzt kann ich do iwwer den aus de Kerbred vorlese.

Er wollt noch Zimmern un hat gonz schej wos getrunke,
do horrem soin loange Hoamweg gestunke.

Er rift soi Fraa ou un säigt: „moin Schatz,
houl mich in Umstadt ich steihn on de Hauptstroaße om Hellweg soim Platz.“

Do horrer aa gewart, äwwer wie als emol is,
es häwwe ehm wäjgedou goanz schej soi Fiss.

Ach wos wor er sou mied, do hat er die Idee:
„ich laafe zum Rewe, ja dort mach ich he.

un ziehe mer en Eukaafswoue, es wär doch gelacht,"
un genau, wie ers iwwerleigt hot, hot er s gemacht.

For en Euro zieht er sich en Wäjelche, un steigt do enne,
ziegt die Boa ou, leigt sich uff die Seite un fängt ou zu penne.

Er hot seelich geschlummert in soim Wäjelche drinn,
sou sinn halt nur Besoffene un kloane Kinn.

Die schlofe iwveroall, des is goar koa Problem,
jetzt horscht al emol zu wie s weirer wird gehn.

Soi Fraa kimmt vun Zimmern mim Auto gonz schnell,
äwwer sie kimmt nit sou richtig vun de Stell.

Donn in de Hauptstroaße, wonn mer rinnfährt stehjt die Polizei,
un is groad bei sourer Kontrolle debei.

Sie muss wadde un steiht uff de Stroaße druff,
do fällt dere e Oikaafswäjelche uff.

Des Wäjelche rollt gonz langsoam vum Reweparkplatz uff die Stroaße,
un sie denkt „do leit oanner drinn“, der hot wie moin Moann die selb Hose.

Un wos soll ich eich soue, sie is donn gonz platt,
weil in dem Oikaafswoue ehrm Moann drinn geschloafe hatt.

Er hot nix gemerkt, hot geschloafe wie en kloane Buh,
sie springt ausem Auto un rennt uffen zu.

Un dut sich um den Schläfer in dem Bettche kimmern,
un bringt den donn endlich hoam noch Zimmern.

Un die Kapell speelt dezu, wie kennts oannerst soi,
des Lied vun dem gure Pfälzer Woi:

„Ja sou en gure Palzwoi.....“

- **Block „Holger H. bei de Feuerwehr**

E kloa Grippche traf sich in oaner Kneipe - in Zimmern sehr bekannt,
um zu starte in de staatliche Feiertag - Tag der deutschen Einheit genannt. (Fingerzeig)

Eijendwonn woars donn äwwer Schluß in dere Kneipe,
doch die Kerle, die wollte als noch e bissje bleiwe.

Zwaa vun denne, worn zum Glick vun de Feierwehr gewese,
un häwwwe die Partytruppe zu sich in die Kneipe verwese.

Es word getrunge, Strich gemoacht un recht schäih oan gezischt,
bis oaner noch em oanern, soin Deckel bezählt, un uff soin Hoamweg is.

Doch sou en Griene, des Joahr feiert er soi Rose-Kerb,
hot sich währenddessen hoamlich uff die Eckbänk versteckt.

Sou im 5 Uhr Moijends sin donn ach die Letzte raus,
doch de Rose-Kerbborscht schlief immer noch soin Suff uff de Eckbänk aus.

Noach vier bis fünf Stunn, onschoinz ohne zu zucke,
is er doch longsom wach worn, un fängt ou zu mucke.

Äwwer so e Feijerwehr, die is gut gesichert,
is doch dorch den Kerl prompt de Alarm lousegwitschert.

9 Uhr woars, un de Ufflauf woar grouß,
die Feijerwehr mit Polizeiuffgebot - Alter do woar wos lous!

Doch de oarm Kerl, der wusst goar nit wou er is,
konnt de Polizei nit emol soue wos do lous gewese is.

Un die Moral vun der Geschicht,
schlafe nur wous nit gesichert ist!
Demit ehr all gud schloafe kennt,un nit nur de Buh,
singe mer dezu es **La le lu**.

- **Block „Mann auf Tor“**

Noch e Story von zwa Genosse ,
die Owends minonner schäi oan gegosse.

Beim Wernizer häwwe se zamme oan gemoacht ,
denn wolde se hoam weil es woar ja " boal "Noacht. *Ironie*

Dehoam uff em Troteoir dut de Oa plötzlich schenne:
„Ich häb goar koan Schlissel un kumm sou nit enne.“

Also zerick in die Wertschaft um den Schlissel zu suche,
der Kerl is dodebei nadirlisch heftisch oam fluche.

Doch des Ding woar zum verrecke oafach nit zu finne,
weder uffem Tresen noch unner de Eckbänk do hinne.

Alles um sunst, also macht er wirrer hoam vor soi Tor.
Do steiht er jetz un is genaa so klug wie zuvor.

„Ich häb e echt Problem des werd bestimmt nit heiter.“
Innerlich om koche, doch des brengten aa nit weiter.

Nit long gefaggelt: „Ich krewwel iwwer des Tor,
eischentlich gonz oafach sou stell ich mir des vor.“

Nebenbei sei erwähnt un des heibt noch soin Frust,
des Tor geht mer immerhin (*Ironie*) bis on die Brust. (*zeigen*)

Der fängt ou zu krewwele, tritt debei uf die Schlinge un es kimmt wies kumme muss,
Die Schlinge geht erunner un es Tor schnappt ausem Schloss.

Do hockt de Kerl also uf soim Tor owwe druf,
un stellt knallhart fest: es wor die gonz Zeit schunn uff.
Es Diersche schwingt vor un wirrer zerick,
äwwer er is jetz drin aaa wos e Glick.

Als Moral kann mer do oans blous nenne:
Erst e mol prowieren un nit glei schenne.

- **Block „Politik“ und Klein-Zimmern**

Vun de Gemoa det ich eich gern e paar rischdische Klobber verzeihle,
veel is äwwer nit bassiert um unser Gemüter zu quäile.

De neie Kinnergoarde is uf, blous die Stroße runderim,
die brenge sou manchen Autofahrer um de Sinn.

Mer krieje e Hotel, oans vun de bessere Sorte,
also kumme boal e paar vun de owwere Zehedausend noch Zimmern, mehr fehle die
Worte. (Ironie)

Oa Sach fällt mer doch oi, Achim bitte sei stark,
jetz geht en Spruch mit Verkehrsbollitik an de Start:

En Roadweg noch Gunnernhause, gonz dringend, es best soufort.
Es gibt doch schon oan der uns verbinne dut mit dem oannern Ort.

Der geht vun de Plaza hinne dorch de Acker un nit on de Stroße long,
wer on de Ziejelei wohnt muss halt en Umweg noch foahrn. ("Drama" Ironie)

Von mer aus sollesen baue, schoare konns nie. (abwinken)
- Äwwer vor paar Joahrn wor en Kreisel in de Planung, -
hinne beim Hix; wou is doann der Gedonke hie?

Des Ding wär e Sach, des kennt mer werklisch gebrauche,
weil dort doun se als mit 100 Sache anne brause.

Schunn meih wie oan Unfall mit veel kabutt Blech.
Zum Glick hott noch kaoner sou richtiges Pech (Handbewegung am Hals)

Bis dort erst wirrer ebbes Schlimmes bassiert,
un doann haßts "ei werim häbt er eich doann nit frieher geriert?"

En Schelm is wer Beises denkt drum hoal ich jetz besser moin Rache,
bevor die Gerüchte "*äwwer de Kerbvadder hot´s doch gesoat*" die Runde mache.

Mer häwwe jetz en Zimmner im Landttag sitze, des gibt bitte en ernste Applaus,
vielleicht brenge der unser Örtsche sou richdisch grouß raus.

Unner de Woch mit Schlips, sou typisch oaner aus de Bollitik,
äwwer en Kerb rennt er mit Kanne un Schlaufe bei seim Lehrgang mit

Ach...un noch oan Lacher vun de Gemoa, ehr häbbts fast all geläse,
boinoh wär die Kerb desjoahr e Woch frieher gewese.

Im Veranstaltungskalenner stand´s falsche Datum geschrewe,
des hott´ mer schun de Angstschweiß uf die Stern getrewe.

Die Sach mit de Bändchen kam ja letzt Joahr schun unners Messer,
doch die Kloa-Zimmner sin mit ehre Banner koa Stickche besser.

Fer en Neie häwwe se koa Geld ausgewwe wolle,
drum hot denne ehre September bis 31ste geih solle.

De Unnerschied zu de Bändchen is: do isses oafach schief gelaafe.
Des Banner wollt mer äwwe bewusst nit nochemol kaafe.

Un in de Bar woar mer frouh wonn mer e dick Portemonaie debei,
dort hing (ernsthaft) e Plakat: „Trinke zwei, zahl drei.“

Ich kann mer des nit leiste drum *will ich Euch da unten fragen,*
Kapell speelt dazu "*Wer soll das bezahlen...?*"

- **Block „Lukas Polizeieinsatz**

En Kerbvadder - en Route - vun vor e paar Joahr,
der woar emol Owends gonz eloanz dehoam.

Un wie er do sou ausm Fenster guggt,
blitzts uff - beim Noachber driwwe in de Stubb.

Doch de Noachber konn´s nit soi, den schließt er glei aus,
weil bei dem is seit Woche koaner im Haus.

Do words dem Kerl gonz schäih mulmisch in de Brust:
„wos mach ich donn jetzt?“, des hätt er gern gewusst.

Doch pflichtbewusst, wie er is, de rout-weiße Buh,
rieft er die Polizei: „Mer kumme ja, geb halt Ruh!“

Gut bewaffnet, mit Kischmesser un Maglight,
wart er drauß, un hofft, die Polizei, die kimmt glei.

Wer nit waß, wos e Maglight is macht eich nit long rimm.
Des is e Daschelamp, äwwer soou e riese Ding! (zeigen)

Un tatsächlich in blous e paar Minude - koa Stunne,
sind se vun zwa Seite - ohne Licht! (Zeigefinger) - ougekumme.

Mit 12 Mann stärtze se aus ehrne Autos raus,
un umstelle aa glei des gonze Haus.

De pflichtbewusst Kerbvadder nadierlich mitte drin,
versteckelt soi Messer äwwer liewer in soi Boxershort rin.

Gestärmt werd es Haus, wie im schlächte Krimi alles dorchsucht,
äwwer außer em kloane Blinklämpche, hot de Nochber koan Besuch.

Die Uffreschung woar grouß, doch nix is passiert,
sou is die Polizei halt wirrer abmaschiert.

Blous de Buh, der laog jetzt die gonz Noacht noch wach,
vor Uffreschung hot er koa Aag meih zu gemacht.

Gude Nochberschaft, - ich bin sou geriehart -
wou oannerst hätt mer´s Lämpche oafach ignoriert.

Fer unsern Held speele mer jetzt en olde Hit,
un wer en kennt singt lauthals mit.

Lied: Mimi ohne *Krimi*

- **Block „Angelausflug“**

Sou ehr Leit, owwacht, horscht zu, des macht jetz werklisch Sinn.
Normal seigt mer koa Nome, äwwer in dem Spruch sinn se versteckelt mit drin.

Boim schäine Wedder – do geiht moanch oaner gern on die frisch Luft,
aa drei Kerbbvädder, nemme ehrn Beutel uff die Linke Schulter, un setze sich ehr Kappe uff.

Donn geihts on de Deich, donn bei so em Wedder,
do beiße aa die Fisch doch glei noch veel besser.

Mit Bier in de Kiehlbox werd gemiedlich zusamme gesesse,
un se woarde, bis die Fisch de Hoke on dem Köder vergesse.

Die Zeit vergeiht schnell, bei sou em schäine Tripp,
un es Bier in die Kühlbox sich longsom der Hitze ergibt.

Doch immer wonn oaner die Angelstätte verlässt,
noch em Uriniern -orrer aa Pisse genennt-, die frische Kühleakkus vergisst.

Als donn doch endlich oaner drou denkt, woarn die oannern sou fasziniert,
dass kaoner vun denne den oane Fisch on de Oangel registriert.

Oan korze Ruck un die Oangel laid im Wasser,
de Fisch rast devo, die Kerle wern als blasser!

Doch wos en Kerbvadder is, der gibt sou schnell nit uff,
hippt dem Fischer hinnerher un nimmt die Verfolgung uff.

Links, rächts... im Zickzack schwimmt der de Oangel hinner her,
un schaffts eijendwoann des Ding zu fasse un on Lond zu zern.

Saschnass steiht de Kerl jetz bis on die Knie in de Brieh,
un gibt sich beim ouziehe werklisch veel Mieh.

In dem Moment hippt des Vieh ausem Wasser schnurstracks in die Luft,
spuckt den Hoake aus un sieht zu, dass es verduft´!

Jetz steihn se do die drei, gebisse hot also nix,
doch Hauptsach es Bier is kiehl – un des is die Moral vun der Geschicht.

- **Bock „Blädsche+Fastnacht“**

Es amtliche Bekanntmachungsorgan der Gemeinde, mit Sitz in Offebach, sou kam mer's zu Ohrn,

schrieb e Email an die Veroine: „ Es dut uns laad, äwwer mer misse spoarn!“

Mer kann blous mim Kopp schittele un ich doun nit iwwertreiw, Veroine misse vun de Versammlunge ehr Berichte ab soufort selwer schreiw.

Noch doller woar, äwwer sou wern Seite schnell gefüllt. E Veranstaltung noch der in Zimmern koan Giggel laut brüllt.

En riiiese Bilderboue vun de dibojer Fassnacht do hinne woar sellemols im Zimmner Bläätsche zu finne.

Die Krönung woar e riesisch Annonce: „gesucht wird das dieburger Maigesicht" Losst mich emol kurz iwwerleije..... Ich glaab Zimmner melden sich hier nicht.

Den Einheitsbrei mit de diebojer Zeitung kann koaner meih verleugne. Sou veel Mieh wie ich mer aa gewwe, sellemols woarn des bessere Zeite.

Ehr Leit vum Bläätsche, schlimm genunk, dass die Redaktion do driwwe hockt. Woann er sou wieder macht häbt ehr boal koa Leser meih, äwwer des häbt ehr donn selwer verbockt!!!

- **Bock „Historisches" un Schluss**

Un es kimmt nit vun ougefähr, dos mer sou sin wie mer sin.
Die Zimmner Kerb Geschichte wast uns do auf neijeste Erkenntisse hin.

~~Schun am Samsteag bei de Abhoulung, words uns gewese,
de ältst Kerbvadder, des wor schun de Jesus Christus gewäse.~~

~~Aa de Luther woarn do frieh am Start,
die Zimmner Kerb aa dieser Herr schun gefeiert hat.~~

Also - ehr liewe Zimmner basst gut uff un horscht,
es gibt do nämlich oan, der fer uns in de Vergongenheit forsch.

(Denn) nochgewese word unser Kerb doch tatsächlich schun seit mindestens
fufzeihunertachunfufzisch, OBACHT - zu Dibborsch fehle uns jetzt nor noch
fufzisch Joahrn - do driwwer mach ich mich schun fast lustisch.

En Landesfürst hot sellemols schun emol geschrewe,
mer Zimmern wärn e wirrerspenstisches Volk gewese.

Den beim Feiern schun immer (ordentlich) iwwer die Stränge schloue,
also hot mer uns es Feiern direkt emol verbouere.

Doch ich soach eich oans ehr Leit - wos muss des muss:
denn unser Kerb is un bleibt oufach en Genuss.

Drum speele mer zum Obschluß, weil mers schon sou long kenne,
die Zimmner National Hymne, un schloue heit wirrer sou richdisch iwwer die Stränge.

Kerbredd 2014, schun isse wirrer Geschichte.
Es gab doch einisches zu verzähle vun Zimmner Gerüchte.

Bei de Prowe schun musst ich echt e poar mol laut lache,
es is äwwer ach lusdisch wos manchem bassiern fer bleede Sache.

Jetzt stellt eich groad he un singt aus voller Brust,
unser Zimmner Hymne un doann is Schluss! *HYMNE*